



REPUBLIKA E SHQIPËRISË

**MINISTRIA E ARSIMIT, SPORTIT DHE RINISË  
AGJENCIA KOMBËTARE E KËRKIMIT SHKENCOR DHE INOVACIONIT  
DREJTORIA E PROGRAMEVE KOMBËTARE**

**THIRRJE PËR APLIKIM  
PËR  
PROJEKTE TË TEKNOLOGJISË DHE INOVACIONIT PER VITIN 2023-2024  
(PROJEKTET VIJNË SI PROPOZIME TË UNIVERSITETIT ME BIZNESIN)**

Në zbatim të Ligjit Nr. 80, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë” dhe të Vendimit Nr.607, datë 31.08.2016 të Këshillit të Ministrave “Për krijimin, përbërjen, organizimin dhe funksionimin e Agjencisë Kombëtare të Kërkimit Shkencor dhe Inovacionit (AKKSHI)”, AKKSHI shpall thirrjen për aplikim për Projekte të Teknologjisë dhe Inovacionit që vijnë si bashkëpunime të komunitetit të kërkuesve shkencorë nga institucionet e arsimit të lartë në partneritet me biznesin, në kuadër të fondit të percaktuar si “Fondi për Projekte të universiteteve me biznesin përfshirë EUREKA”, në fushat prioritare si më poshtë:

1. Agrikulturë, Ushqim dhe Bioteknologji
2. Biodiversitet dhe Mjedis
3. Uji dhe Energjia
4. Sisteme dhe Teknologji Informacioni

**Kriteret e pranueshmërisë së aplikantëve**

1. Të drejtën për të aplikuar me projekte të përbashkëta PTI, që vijnë si bashkëpunime të institucioneve të arsimit të lartë (IAL-ve) me biznesin, e kanë IAL që, sipas legjislacionit në fuqi për arsimin e lartë dhe kërkimin shkencor, zhvillojnë kërkim shkencor.
2. Aplikuesi i parë do të jetë një IAL i përcaktuar si i tillë në Ligjin Nr. 80/2015, në partneritet me një biznes, partneritet i cili sanksionohet me një marrëveshje bashkëpunimi ndërmjet tyre. Pjesë e marrëveshjes duhet të jetë bashkëfinancimi në raportin 70% financim grant nga AKKSHI dhe 30% financim nga biznesi.
3. Aplikant i dytë i referuar si partner nga biznesi, duhet:
  - a) Të jetë i organizuar dhe të funksionojë në përputhje me legjislacionin e Republikës së Shqipërisë, specifikisht me Ligjin Nr.9901, date 14.04.2018 “Për tregtarët dhe shoqëritë tregtare”;
  - b) Të ketë selinë dhe të ushtrojë veprimtarinë në territorin e Republikës së Shqipërisë;
  - c) Të shprehë qartë përfitimin nga projekti i propozuar ne partneritetet me kërkuesit shkencor pjesë e IAL dhe të dëshmojë kapacitete në mbështetje të projektit;
4. Projektet duhet të synojnë zhvillimin e një produkti/procesi/shërbimi të ri, ose përmirësime të dukshëm në një product/proces ekzistues/shërbim, me potencial tërheqës tregu.

5. Projekt propozimi duhet të mbështetet mbi një Plan-Biznesi me specifikime të qarta lidhur me rezultatet e pritëshme të projektit.
6. Projekt propozimi duhet të përputhet me prioritetet strategjike kombëtare dhe sektoriale të miratuara nga Qeveria Shqiptare, sipas fushave të mësipërme.
7. Projekt propozimi duhet të vijë nga një grup kërkuesish në një IAL sipas përcaktimeve të mësipërme, në përputhje me kërkesat udhëzuesit përkatës të PTI;
8. Projekt propozimi duhet të përmbajnë vetëm veprimtari që lidhen me kërkim&zhvillimin, duke përjashtuar blerjen e pajisjeve, reagentëve, mjeteve, etj. Infrastruktura e nevojshme ofrohet nga biznesi si partner aplikues;
9. Objektivat e Projekt propozimit duhet të synojnë:
  - a) Zhvillimin e produkteve dhe shërbimeve inovative;
  - b) Forcimin e bashkëpunimit ndërmjet Akademisë dhe biznesit;
  - c) Lehtësimin e komercializimit të produktit;
  - d) Projekti duhet të ketë në bazë veprimtarinë kërkimore që ka për synim: (i) përmirësimin e zinxhirit të vlerës, (ii) përmirësimin e produktit; (iii) përmirësimin e shërbimit apo të zhvillojnë konceptin e biznesit për një produkt apo shërbim që është i gatshëm të dalë në treg, në përputhje me strategjinë e rritjes e fuqizimit të kompanisë.

### **Dokumentacioni i kërkuar për aplikim**

Aplikantët duhet të dorëzojnë:

- Projekt propozimin të hartuar dhe paraqitur vetëm sipas formularit standard të aplikimit për PTI (shiko Udhëzues PTI);
- CV e Drejtuesit të projektit, i cili duhet të ketë të paktën gradën “Doktor” në fushën përkatëse;
- Kopje të diplomës së gradës shkencore apo titullit akademik të drejtuesit të projektit;
- Miratimin e titullarit të Institucionit të Arsimit të Lartë për pjesëmarrje në projekt;
- Vetëdeklarim i IAL-së aplikuese që janë shlyer të gjitha detyrimet pranë AKKSHI nëse ka qenë më parë përfitues i fondeve të AKKSHI-së;
- Vendimin e akreditimit të Institucionit Publik i Arsimit të Lartë që aplikon;
- Marrëveshje partneriteti dhe bashkëfinancimi midis IAL dhe sipërmarrjes së biznesit partner për realizimin e projektit.
- NIPT;
- Vërtetim nga zyra e tatim taksave, që vërteton që institucioni nuk ka detyrime të prapambetura tatimore dhe të sigurimeve shoqërore;
- Kopje të statutit apo ekstraktit të QKR
- Përshkrimi i infrastruktures apo paisjeve teknike që ka në zotërim ndërmarrja/biznesi aplikues, të cilat kanë rendësi për realizimin e projektit të propozuar;

**Vlera maksimale e financimit të AKKSHI-se: 3,000,000 lekë;**

**Kohëzgjatja e projekteve PTI është 2 vjet, duke filluar si viti i parë i financimit 2023-2024.**

**Afati i fundit për aplikim është data 28 Prill 2023;**

## **Dorëzimi i aplikimeve**

Projekt – propozimi dhe dokumentacioni shoqerues duhet të dorëzohen në 2 (dy) kopje print dhe një kopje digjitale (CD, USB), të shoqëruar me shkresë përcjellëse të institucionit punëdhënës;

Aplikantët duhet ta dorëzojnë dokumentacionin **përmes postës zyrtare**, pranë zyrave të AKKSHI në adresën: Rruga “Naim Frashëri”, Nr.37, Tiranë.

Dokumentat e aplikimit mund t'i gjeni në faqen zyrtare të internetit të AKKSHI, <http://nasri.gov.al>

Për sqarime më të hollësishme, lidhur me programet ose me procedurat e aplikimit, të interesuarit mund të drejtohen pranë Drejtorisë së Programeve Kombëtare në Agjencinë Kombëtare të Kërkimit Shkencor dhe Inovacionit ose me e-mail në adresat: [gentiana.spahiu@nasri.gov.al](mailto:gentiana.spahiu@nasri.gov.al); [aledia.lumani@nasri.gov.al](mailto:aledia.lumani@nasri.gov.al)